



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

DC. Thomas von Einbeck verkauft wiederkäuflich der Apostelbrüderschaft
in Salzwedel Hebungen aus Priemern, am 25. September 1515.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

diderich chuden vnd Claues konningsteden, borgermeistern van beiden Steden, all bor-
genn tostande vor de perde: vnd zo den de perde to borge gedan, wart den van wufrow mit
dem Rade to Soltwedell eynd dach, dar de perde gepandet wernn, am donredage na Cantate
boramet. Des up den boftenden donredage des morgens to negen Slegen Albrecht vnd Hans
van wufrow, dede by sick hadden Thomas vnd werner grote, gebroder, tiegen den Radt tor-
stede irschineden, vnderstuden sie sich menniger bede, anthende id were vor walburgis geschen:
des de Raet beantworde, Sie wolden up den ornn nemandes tohodende noch var ofte na walbur-
gis toftaden; ouerst zo de radt van Soltwedel fons vngestraffet nicht wolde annemen, wart dar
zo vele gehandelt vnd bospraken, dat de van Blutlinge den Reden to Soltwedel vor sodann
oueldat vnd Scade Thwe marck penninge In den vier hilgen dagen to pingesten irstkamende vn-
uortogert geuen scholden; de upgnanten van wufrow mit den ornn geschickeden Seden vnd
laueden ok dem Rade to, Dat de van Blutlinge edder nemant van den eren wider mer up de
grunde der Stad van Soltwedell noch na edder var walburgis hoden scholde. Worde dar mit
wy ouerst zo botreden, de scholde van dem Rade van Soltwedell funder gnaden gestraffet wer-
den. Dusse Handel is geschen dorch diderich Chuden, Borgermeister, Herme gartz, diderich brun,
Camerer, Hans mechow vnd Claues listen, Radmann, Hans griben, Hennigh wittecop, Joachim spe-
nigh, palken frederickes, kersten aleman vnd Arnt Cempe, borger In der Olden stad, Claues mol-
ler, Tide pretzer, Borgermeister, Meyneke wykenbarch vnd Heyne moller, Radmann, Role Hinrickes,
Hans groteian, Joachim konningstede, Joachim Stappenbeke, Ambrosius mathias, pael kerstens vnd
Tide medebeke, borger Inn der Nienstad Soltwedel. Actum etc. Dederunt II marck, am dinx-
dage Johannis et pauli.

Nach der Urschrift im Salz. Archiv VIII, 3.

DC. Thomas von Einbeck verkauft wiederkäuflich der Apostelbrüderschaft in Salzwedel Gebungen
aus Priemern, am 25. September 1515.

Ick Thomas van Embeke, hanfs zeliger sone, to Bresche wanhaftich, Bokenne —
dat jck myt weten — Dorgeten, myner naturliken moder, werners, Achim, gebrudern, Ba-
den vnd Achim, langhe hanfs zeliger sone, van Embeke — vorkofft hebbe — den Erhaftighen
hernn Henningh binden, deken, Herman schulten, Camerern, Meyneke Wickenberg
vnd Arnt barftman, varwefern, der Apostell Broderschap in der nigenstadt Soltwedell — teyn
rinsche gulden — iarliker rente in dem dorpe to primer — vor twehundert rinsche gulden. —
Vortmer hebbe Ick my vnde mynen eruen beholden de macht — dusse teyn rinsch gulden —
wedder tokopende alfe alle iarliges, wan my edder mynen eruen dat wol bequem ifs, so scholen
wy — den wedderkop in funte Jacopps auende edder in den achte dagen darna toforen vorkun-
dighen vnd one denne in funte mertens auende edder in den achtetdaghen darna negestuolgende
de twehundert rinsche gulden — myt den teyn gulden des jares bedagt vnde myt allen nastelli-
gen tyfien vnde ock wat der herschop vor den willebrief uth gelecht, binnen Soltwedel wed-

dergheuen etc. Na cristi vnser heren gebort vesteynhundert iar, dar na jm vesteyngiden iare, am dinstage na sante mauricius daghe.

Nach dem Original des Salz. Archives XII, 41.

DCI. Der Rath der Neustadt Salzwehel befundet die von Dieterich und Arndt Mechow und Anderen vollbrachte Stiftung einer Commende in der Katharinenkirche daselbst, am 17. November 1515.

Wy clawes molre, Tide pretzer, Cordt woleman, Meyneke wikenberg, ffederick griben, Heyne molre, Herme listen vnde laurentz schulte, Radtmanne der nigen Stadt Soltwedell, Bokennen — Dat myt des werdigen hernn Henningh van Salderen, vnser kerckheren, willen to sante Catherinen, vnde myt vnser fulborde de Erenhafftige vnde vorsichtige hernn Diderick vnde Arndt mechow, gebroder, vnde de dogetfame Anneke, nagelaten wedewe Hans zehorftes, metke, ore dochter, Henningh witecoppes eelike huffrowe, deme almechtigen gode, syner werdigen moder Marien, allen himmelschen here to laue vnde to eren, van schikkinge, bostellinge vnd mylder houelinge wegen Ern Henningh mechowen, Gertruden, Arndt mechowen zeliger dechtnisse nagelaten wedewe, ock eres hulheren, Doch orer, orer kinder, orer olderen, orer leffhoueden, de to duffer Commenden ore almiffen gelecht hebben, effte namals noch leggen muchten, vnde aller cristen szelen falicheit willen bostellet vnde belecht hebben, beleggen vnde bestellen In vnde myt craft dusses breues, to ewigen tiden bliuende, Eynhundert vnde dre vnde twintich vnwandelbare fulwichtige rinsche golt gulden vnde Souentich marck penninge Soltwedelscher weringe An roggem pechte vnde penningh rente, belecht na vthwifinghe der vorsegelden breue Dar ouer gegeuen, de me myt duffer fundation vnde anderen breuen to duffer nagescreuen Commenden sikk drepende to guder vorwaringe In eynem sunderliken scrinio In vnser Stadt kisten vinden schal. De upgenomede flechte hebben dor ock to gemaket vnde gelecht eyne kelck, eyn missebock vnde dre Casulen, eyn pacifical vnde eyne kiste, dar me dat gherede inne bewaren vnde besluten schal, to behuff sunderliken Almiffen vnde eyner Commenden myt vnd In sante Catherine kercken to makende vnde bestedigende, ewichliken to bliuende, to deme fromiffen Altare. Dusse Commendista schal nach schikkinge vnde bogeringe der Erbenomeden frunde alle dinstdage, szo ferne edt werkeldag is, myt deme Costere vnde twen scholeren, So dat wontlick vnde wente her gehalten, erligen dorch sikk effte eyne anderen vor deme fromiffen altare misse singen van deme hilgen geiste, denn schal de Commendista geuen to ysliker misse dre stendelsche penninge. Des mandages schal de Commendista, wen em god de gnade giff, vor deme sulsten Altare lesen vor allen cristen selen, vnde des Sonauendes van vnser leuen frowen vnde In den anderen dagen, de nicht sunderlick benomet sijn, nach uthwifinghe der tydt vnde nach boqwemicheit des Commendisten stetlick misse holden, dar wii vnde alle vnse nachfolger szo Anwarer des leng myt sampt den anderen Patronen vorwesen scholen, dat sodann myssen gehalten werden. Ffurther mher beholden vnde boscheiden de vorgnanten Arndt mechow, Anneke, Hans zehorftes nagelaten